



Depatman Aprantisaj Pwolonje (*Extended Learning*)

Pwogram Apre Lekòl nan Lekòl Mwayer

Manyèl Paran/Responsab

FILOZOFI APRANTISAJ PWOLONJE

Objektif Depatman Aprantisaj Pwolonje a se facilite opòtinite pou bon jan pwogram gadri apre lekòl ki satisfè bezwen fondamantal komen tout elèv pandan lè apre lekòl yo. Li enpòtan anpil pou elèv yo genyen aksè ak meyè opòtinite posib pou devlope pou vin adilt ki an sante, byen adapte epi responsab.

ENSKRIPSYON

Tout paran dwe soumèt yon demann kontra enskripsiyon nan pwogram apre lekòl 2024-2025 nan Eleyo. Yon fwa ou kreye demann kontra a, ou pral resevwa yon imèl ki di demann kontra w la ap tann apwobasyon estaf yo epi yo pral revize li nan lòd yo te resevwa li.

Yon elèv pa kapab patisipe nan Pwogram MSAS la san yon kontra enskripsiyon ELEYO yo te apwouye.

Anplis yon kontra ki apwouye nan Eleyo, yon frè enskripsiyon \$35.00 obligatwa pou garanti plas yon elèv nan pwogram nan.

- Frè \$35 enskripsiyon an pa ranbousab apre premye jou lekòl la, men yo kapab transfere l nan yon lòt pwogram gadri apre lekòl yon lòt Distri.
- Elèv PA kapab enskri nan okenn pwogram gadri apre lekòl si yo dwe yon balans frè nan Distri a.

Aplikan yo enskri sou baz premye ki rive se premye y ap sèvi, baze sou plas ak estaf ki disponib. Yo etabli yon lisdatant lè pwogram nan plen. Amezi elèv ap aplike pandan ane a, y ap ajoute non yo sou lisdatant la jiskaske yo kapab anplwaye estaf pou redui lisdatant la.

ORÈ PWOGRAM GADRI APRE LEKÒL

Pwogram gadri apre lekòl se yon bonjan pwogram anrichisman nan yon anviwònman ki san danje, ki ofri yon orè akademik ak aktivite espesyal epi ki pa kapab akomode sèvis okazyònèl.

Elèv yo dwe enskri epi yo dwe peye frè yo suivan orè pèman an pou nenpòt pwogram ki endike anba la a:

- Pwogram K-8 (2:00 - 6:00 PM)
- Gadri Apre Lekòl (4:00 - 6:00 PM) (tan varye)
- Pwogram Gadri nan maten (7:00 - 9:00 AM) (tan varye)

RÈGLEMAN SOU PEMAN

- Yo kalkile frè yo sou baz \$3.70 pa èdtan.
- Yo dwe peye frè yo konplètman pou tout mwa a; yo pa kapab peye pa èdtan.
- Yo dwe fè peman yo avan yo ba yo sèvis.
- Yo dwe peye tout frè apre lekòl yo sou entènèt nan Eleyo.
- Yo pa kapab peye frè yo nan direksyon lekòl la oswa bay pwofesè a. Pou nenpòt peman kach oswa money order, yo dwe bay yon resi imedyatman.



**Depatman Aprantisaj Pwolonje (*Extended Learning*)
Pwogram Apre Lekòl nan Lekòl Mwayen
Manyèl Paran/Responsab**



FRÈ POU PEMAN ANRETA

Si w pa fè peman nan oswa anvan dat delè ki endike nan Orè pou Peman Frè Pwogram Aprè Lekòl Mwayen an, sa pral lakòz yon frè \$10.00 pou peman an reta pa mwa.

Si yo pa fè peman, **yo pral sispann/tèmine sèvis yo**. Pou timoun (yo) retounen nan pwogram nan kont lan dwe ajou avèk peman yo te fè pou tout frè ki sot pase yo ansanm ak frè peman an reta. Pa pral gen yon repatisyon nan frè pou jou yo manke akòz yo te tèmine pou non peman.

Paran yo kapab aplike pou yon sèl fwa pa ane eskolè pou *Late Payment Fee Waiver* (Egzansyon pou Frè Peman Anreta) lè yo ranpli epi soumèt fòm (**PBSD 2577**) pwogram gadri apre lekòl la bay.

FRÈ LÈ YO VIN CHECHE ELÈV ANRETA

Pou chak minit yon paran/responsab an reta nan vin cheche pitit li a (yo), **y ap chaje li \$1.00** pou reta. **Reta repete nan vin cheche yon elèv kapab koze yo mete elèv la deyò nan pwogram nan.**

REGLEMAN SOU RANBOUSMAN/KREDI

Pou retire yon elèv nan pwogram gadri a, paran an dwe avèti direktè/tris la alekri de (2) semèn alavans pou l kapab resevwa ranbousman peman.

Yo p ap akòde lòt demann ranbousman

PWOESIS POU RANVWA/ VIN PRAN ELÈV

- Tout elèv dwe prezante nan gadri apre lekòl la dirèkteman lè lekòl lage.
- Yo pran prezans epi yo soumèt li bay biwo gadri apre lekòl la nan premye kenz minit pwogram nan.
- Elèv ki absan pandan jounen lekòl la toujou kapab vini nan pwogram gadri apre lekòl la, montre yo an sante epi yon paran/ responsab te siyen pou yo nan pwogram nan.
- **Se sèlman moun ki otorize jan sa endike nan Eleyo ki kapab vin cheche timoun nan.** Pou rezon sekirite, apèl telefonik paran/responsab yo pa adekwat pou voye elèv la lakay. Moun ki otorize yo dwe genyen 18 an oswa plis epi yo dwe genyen yon kat ID valid ak foto pou yo montre estaf gadri apre lekòl avan yo remèt li elèv la.

Amwenske genyen yon lòd responsabilite legal yon timoun espesifik Eta Florid (**nepòt lòt eta pa valid**) nan dosye pwogram gadri apre lekòl la, yo gendwa remèt yon elèv bay paran/responsab ki pa legal la si li nan lis ki nan fòm enskripsyon an. Paran/responsab yo responsab pou kenbe enfòmasyon ki konsène moun ki otorize ak lòd responsab legal yo ajou. Pwoblèm responsabilite legal yo fèt pou rezoud andeyò gadri lekòl la. Konpòtman inapwopriye moun ki vin cheche yon elèv, enkli menas, langaj ostil, ap lakoz paran/responsab yo genyen pou yo fè lòt aranjman pou vin cheche elèv la, oswa y ap sispann sèvis gadri apre lekòl yo pou pitit yo a. Paran/ Responsab/Moun ki Otorize dwe vini lekòl la epi itilize app prezans Eleyo a pou siyen non legal li annantye. Dat ak lè pou yo vin chèche yo anrejistre nan Eleyo.



Depatman Aprantisaj Pwolonje (*Extended Learning*)

Pwogram Apre Lekòl nan Lekòl Mwayen

Manyèl Paran/Responsab



RÈGLEMAN SOU KONPÒTMAN

Yo ankouraje elèv yo pou fè chwa ki responsab epi yo rekonpanse yo pou konpòtman ki apwopriye. Desizyon elèv yo pran ki inapwopriye ap lakoz konsekans lojik. Objektif la se pou fòme elèv responsab ki genyen pouvwa pou yo chwazi meyè konpòtman an.

Enfrakson grav kapab lakoz yo fè yon Rapò sou Konpòtman nan Pwogram Gadri Apre Lekòl. Twa Rapò sou Konpòtman nan Pwogram Gadri Apre Lekòl pandan ane lekòl la kapab lakoz sispanson oswa ranvwa yon elèv nan pwogram nan. Si li enplike nan nenpòt konfwontasyon fizik, ak/oswa yo jije danjere pou limenm oswa lòt moun, y ap enpoze sispanson oswa ranvwa imedyat elèv la nan pwogram nan. Tout pratik pou discipline timoun apwopriye ak laj timoun epi yo konsistan avèk Règleman 2.035 ak 5.1812. Komite Dirijan Lekòl la.

SNACK (Kolasyon)/ti goute

Pwogram Kolasyon ki bon pou sante nan Aprantisaj Pwolonje genyen ladan li yon bwason (lèt, dlo oswa ji 100%) ak omwen de (2) chwa manje ki bon pou sante.

PWOSEDI POU SWEN SANTE

Elèv ki pa kapab rete nan gwoup yo akoz blesi oswa maladi ap rete nan biwo gadri apre lekòl la oswa kote pou yo siyen pou yo. Pwogram sa a swiv direktiv jou lekòl yo nan jere ka ijans yo. Si sa nesesè, estaf ki kalifye bay premye swen minè epi yo fè paran/responsab yo konnen lè y ap siyen pou ale ak pitit yo.

Pou maladi oswa blesi grav, biwo pwogram gadri apre lekòl la ap kontakte paran/responsab yo imedyatman epi l ap nesesè pou yo vin cheche pitit yo imedyatman. Pou evite blesi, nou atann pou elèv yo respekte kòd abiman lekòl la epi pou yo mete soulye ki fèmen toutan pou sekirite.

- Estaf pwogram gadri apre lekòl yo pa kapab bay okenn tip medikaman amwenske genyen yon otorizasyon medikal paran/responsab la ak doktè a siyen ki nan dosye biwo pwogram gadri apre lekòl la.
- **Elèv yo pa janm gen dwa genyen okenn medikaman sou yo**, eksepste vaporizatè yo preskri pou opresyon, Epi-Pen ak otorizasyon doktè oswa medikaman pou maltèt pou soulaje tèt fè mal pandan y ap sou pwopriyete lekòl la oswa nan yon evènman oswa aktivite lekòl la patwone san yon nòt doktè oswa preskripsiyan.
- Se Administrasyon Manje ak Medikaman Etazini (FDA) an ki reglemente pou itilize Medikaman san preskripsiyan pou trete tèt fè mal.

Nenpòt timoun, oswa anplwaye nan pwogram apre lekòl yo sispek ki gen grip oswa nenpòt maladi kontajye ta dwe retire l nan pwogram nan oswa mete l nan yon zòn izolasyon jiskaske yo retire li. Moun sa a pa kapab retounen san otorizasyon medikal, oswa jiskaske siy ak sentòm maladi a pa prezan ankò.

Nimewo pou kontakte tout moun ki otorize pou vin cheche elèv dwe ajou epi nan dosye nou. Elèv yo dwe suiv direktiv ki nan Règleman Komite Dirijan Lekòl 5.3213 ak nenpòt lòt konsèy ki soti nan Depatman Sante Florid ak Sipètentandan an.



Depatman Aprantisaj Pwolonje (*Extended Learning*)

Pwogram Apre Lekòl nan Lekòl Mwayen

Manyèl Paran/Responsab



POLITIK AKSÈ FASIL

Nan fè tout efò pou nou sèvi fanmi yo pi byen, tanpri, sonje pòt pwogram gadri apre lekòl yo toujou ouvè. Paran /responsab ki otorize ap kapab jwenn aksè nan pwogram nan annakò avèk pwosedi sekirite ki apwopriye yo, pou enkli siyen nan direksyon an epi pou estaf akonpaye yo nan zòn ki deziye. Nou konsidere fanmi yo kòm patnè nan pwogram gadri apre lekòl sa a. Paran ki ta renmen pataje talan yo avèk elèv ki nan pwogram gadri apre lekòl la ta dwe kontakte direktè/tris sit la.

RESOUS

Direktè sit apre lekòl la pral bay plis enfòmasyon espesifik sou pwogram apre lekòl la pou enkli:

- Orè frè
- Orè pwogram
- Nimewo telefòn pou biwo apre lekòl ak telefòn selilè si sa aplikab
- Plan evakyasyon andeyò kanpis la nan ka ijans

Depatman Sante Florid (Depatman an) ak nivo aktivite "influenza" oswa "grip" Grip se yon maladi respiratwa ki kontajyez virus influenza koze. Li kapab koze maladi lejè oswa grav. Ka grav enfeksyon grip kapab koze ospitalizasyon oswa lanmò. Genyen kèk moun, tankou jèn timoun, granmoun, ak moun ki genyen kondisyon medikal ki genyen risk pou konplikasyon grav grip koze. Depatman an ankouraje fanmi yo pou yo vaksine kont grip la.

Vaksinasyon se meyè pwoteksyon kont grip ak konplikasyon grav grip koze. Vaksinasyon se sa ki pi enpòtan pou timoun ki genyen kondisyon medikal tankou asm, dyabèt, maladi kè, ak kondisyon newolojik ak newodevelopmantal. Yo ofri vaksen grip la nan plizyè kote ki enkli famasi, klinik, anplwayè, ak lekòl. Kontakte doktè/klinik ou, depatman sante rejon an, oswa vizite <http://www.floridahealth.gov/findashot> pou jwenn yon sant vaksen ki toupre w.

Vaksen grip la san danje. Komite Konsèy Nasional sou Pratik Vaksen (ACIP ann anglè) rekòmande pou tout moun ki genyen sis mwa oswa plis resevwa vaksen grip la **chak ane**. Poutèt ti bebe anba sis mwa twò ptit pou pran vaksen kont influenza, li enpòtan pou manm fanmi yo (enkli moun ki ansent oswa manman k ap bay tete) ak lòt moun k ap okipe timoun sa yo pran vaksen an pou ede pwoteje yo kont maladi sa a.

Li espesyalman enpòtan pou paran yo **kenbe timoun ki malad yo lakay** pou evite pwopagasyon virus grip la bay lòt moun. Lòt etap prevansyon virus yo enkli rete lwen moun ki malad, kouvri etèniman ak tous avèk yon mouchwa papye oswa koud yo, evite touche zye, nen ak bouch yo, epi lave men souvan.

Si ptit ou vin malad ak grip, kontakte doktè ou pi vit posib apre sentòm yo parèt. Sentòm grip yo souvan enkli lafyèv, tous, gòj fè mal, nen k ap koule, kò fè mal, maltèt, oswa fatig. Medikaman antiviral pou grip sanble redui gravite ak tan maladi a dire, diminye risk konplikasyon influenza, epi redui risk lanmò pami moun ki ospitalize, patikilyèman moun ki kòmanse tretman bonè nan maladi yo. Doktè kapab preskri tretman antiviral si sa apwopriye. Tretman yo pi efikas lè yo kòmanse nan 48 èdtan., donk kontakte doktè w menm moman ptit ou vin malad enpòtan, espesyalman si ptit ou genyen kondisyon sante ki preegzistan.



Depatman Aprantisaj Pwolonje (*Extended Learning*)

Pwogram Apre Lekòl nan Lekòl Mwayer

Manyèl Paran/Responsab



Meyè fason pou pwoteje tèt pa w ak fanmi w epi kenbe yo an sante pandan sezon grip la se pou:

- **Pran vaksen;**
- **Fè manm fanmi ki malad rete lakay yo;**
- **Kontakte doktè ou si oumenm oswa pitit ou genyen sentòm grip; epi swiv konsèy doktè ou sou tretman.**